


Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.488/a







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.488/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.488/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.488/a





XIII

✱ MICHAELIS ANGELI ✱  
BLONDI.

✱ DIALOGVS DE INVIDIA. ✱





\* MICHAELIS ANGELI \*  
BLONDI.

\* DIALOGVS DE INVIDIA \*



\* CRISTOPHORO DE SPIRITI \*

bus. R. Episcopo Cefenat. Diui Pauli.

PP. III. Referend. digniss.

Michael Angelus Blondus. bene agere.

**Q**UANTVM Humanus aut affabilis atq; officiosus quantum deniq; es decus hominum & si frequenter alias senserim tamen proximis diebus ipse etiam expertus sum: ideo non est mirandum si amor in te meus, cogit ut non facerem, quemadmodum plurimi, qui desides tempus hoc prætereunt. Sed ut te isdem afficerem. quibus ipse plurimum afficior. Quæstio enim frugi inuenta est, quæ & liberis instituendis & ciuib; institutis maxime prodest, præcipue qui uirtute & proprijs dotibus ac religione qua urbs pollet in qua sumus plerosq; homines antecellunt. ut igitur in studijs sic in amicitia pulchrum existimo profutura miscere, ne illa tristitiam hæc uero odium pariat, confiteor etiam inscribendo præposuisse necessitates uoluptatibus, & seria iocis, quæ omnibus eruditis ad te conuenientibus, oro proponas. præsertim hoc Decembri mense quo maxime Romæ lites non quiescunt. quibus quantum cruciantur mentes mortalium compertum habes. nec dubito, quin cupias pro tua erga me beneuolentia iam hoc fecisse. Consueuisti enim quam maturissime legere & imperfectos libros. Quare musteum etiam hunc Dialogum non omittes. Sic enim accendes animum ad maiora.

Pridie Idus Decembris.

A.ij.





XV  
\*MICHAELIS ANGELI BLONDI,\*

DIALOGVS DE INVIDIA.

CRITO. ET ACRIIVS.

**Q**VAM MVLTVM ACRIIVS  
interest quod à quoq; fiat. illud enim si clarum fue-  
rit à quibusdam altissime tollitur. sin autem obscurum, ab  
omnibus humillime deprimitur. ACRIIVS uerum  
est, tamen ad quid hæc. CRITO pertranseunti mihi  
uiam peregrinam occurrit hyparcus communis amicus.  
heus inquit Crito, num offendit tuas etiam aures quod  
meas procrebuit. inquam minime. Quid autem sit hoc, cu-  
pio mihi narres. Tum ille, nudiustertius pleriq; urbis eru-  
ditissimi conuenerant ad bibliopolam, ad quem è consuetu-  
dine ueniunt. qui post uarios sermones inciderunt in quæ-  
stiunculam. quidnam esset Inuidia, & quantum homini pro-  
dest, & qui Inuidi bonine, an mali dicerentur: ACRI-  
IIVS. pulcherrima proculdubio quæstio hæc est. quia  
nulli hac tempestate est stomacho, quinimo, similis uidetur  
frondosis arboribus quæ longissimo trunco efflate in al-  
tum proceribus ramis diffunduntur: haud aliter arbitror  
ipse etiam, & Inuidiam plurimorum uehementi spiritu olim  
euectam, nec hætenus ut arborem antiquissimam succo  
alenti destitutam. quia quo ponderosior uetustiorue sit in-  
uêdia, eo magis in latitudinem uanescit, nec unquam ut  
quis senecta infectus hebescit, uerum indies fortior can-  
didiorq; est. propterea qui sordidam aut maculosam pu-

A. iij.



sant esse Inuidiam uesani sunt. nam turpia & obscena  
ab eruditissimis non tam celantur quam etiam pelluntur.  
oh quam mirifice rei interfuit hyparcus. Tu autem quæ  
retulit de inuidia mihi referas obsecro CRITO:  
ædepol modo facturus sum. ideo in crastinum differa-  
mus, ACRIVS: in referendis ac audiendis optimis  
quibûsque non est procrastinandum. sed postquam & mihi  
ocasio audiendi, & tibi recitandi modo clarum ingeni-  
um fauet. effer oro, quoniam tum materia emergit faci-  
lius cum bonus fautor adest, & uerus commendator con-  
tingit. CRITO: postq; adeo desideras. efferam, quia ar-  
bitror compræhendes hoc sæculum nõ sterile, non effectum  
esse: habent etiam, & nobiles in ædibus pulchrum hoc,  
quamuis stematibus priscorum, & imaginibus suorum glo-  
riantur. Itaque, dicunt præstantissimi inuidiam dolorem  
alienæ fœlicitatis, & fœlicitatem prosperum cursum se-  
cundæ fortunæ dum uiuitur. & dolorem ferunt mœrorem  
cordis productum ex rebus quas inuiti prospiciunt homi-  
nes, uel referunt dolorem molestum esse prospectum in  
rebus secundis alicuius plusquam in proprijs necessitatibus  
ACRISIVS. Prosper igitur cursus fortunæ in re-  
bus secundis alterius. Inuidia est. CRITO: haud ali-  
ter, ACRISIVS: etiam contristatio & dolor in-  
uidia. CRITO, etiam ACRISIVS. Ergo secun-  
dus cursus prosperitatis alterius inuidia erit. CRITO.  
& secundus uitæ cursus. ACRISIVS: itaq; inuidia lan-  
gor mentis & animi cruciatus est, & olim soli Græci insi-  
gnes inuidia erant, nunc autem & Itali. quot etiam igna-  
uissimi hac tēpestate Themistocli ob res bene gestas præ-  
ferri uolunt, CRITO, Vbiq; alterius gloriæ mali tan-



cum inuident, nesciunt autem utrum illis malum an cui in-  
 uident bonum contingit. ACRISIVS prorsus inuidia  
 mala res est. ut audio, sed in qua parte hominis concipitur?  
 CRITO. in qua fundamentum uitæ ACRISIVS. &  
 quibus succis alitur. Crito: biliosis. Acrisius, miror q̄ præ-  
 ter alios humores sola bilis nutriat inuidiā. Crito: Quia ex  
 succis acrior. uerum, plerunq; biliosi hebetioris sunt ingenij  
 ni atræ proxima fuerit bilis eorum. Acrisius: miror etiam  
 quomodo inuidiā animo cōcipiunt homines, cū ex rebus sit  
 nulla existimatione dignis. Crito: falleris, quia non parui-  
 faciunt homines ea unde provenit lucrū: nanq; omnes natu-  
 ra lucro seruiūt. præcipue in quibus uberrima bilis est. itaq;  
 omnes lucri cupidos inuidos dicimus, quia soli ditari cupi-  
 unt. Acrisius: ergo lucricupidus inuidiæ amans, sed qui ob  
 inuidiam propriam retegit caliditatem, his mihi insanus ui-  
 detur. Crito: is & in pudicus dicitur. Acrisius: num inuidus  
 est qui alicuius opus laudat? Sed in postremo laudi. inquit,  
 tamen, Crito: maxime. Acrisius: cur igitur uerba temere  
 effundit. Crito: quia statuit natura ut proderet dolum & ta-  
 citam iniuriam. uelut offensus, quo bonus aliquando caueret  
 falsis ab insinuationibus. Acrisius, num inuidus cōpræhen-  
 dit, an inuidus habetur ab hominibus. Crito: compræhēdit:  
 cum aut inuidus uulpecula quædā, & peritus in arte dicēdi  
 cōpertus sit magister, cur in medio sapientū uerborū rete-  
 git, qua pollet inuidiam. Acrisius. non uis dotem propriam  
 aperiat, qua fiat amabilis. Crito. sapiēter. Acrisius. nullum  
 profecto puto maius lucrū alicuius sit quā quod natura pro-  
 prium est illi. CRITO: procul dubio cōpertū est q̄ bubul-  
 cus non pascit armentū pabulo nisi quod alit nutritq; illud.  
 Quoniā si perderet. diffugeret. ACRISIVS, rectissime



nec inuidus, censeo, prorumperet in sermonem inuidum  
ni existimaret multū superlucrari. periculis etenim quam-  
plurimis corpus exponit. qui lucri cupidus est. C R I -  
T O. itaq; inuidus similis est mercatori qui dum uenun-  
dat uilissimas merces, testatur herculem uel pollucem esse  
præciosissimas. Nemesis uerò citare non audet, quia fa-  
cinoris ultrix est. dicti autem nil curant, & is modus in-  
extorquendo numismate uulgo seruatur. A C R I S I -  
V S, cui dubium, nam qui diuitibus cupit æquari opor-  
tet inuideat omnibus. Præterea, inuidus auidus est alte-  
rius inexplebilis felicitatis, sititq; magis quo uis hydropē  
itaq; dum aliena cupit ac sine labore diues uellet fieri, turpe  
lucrum appetit, propterea parui aut nullius pretij dicemus  
hominem inuidum. Præterea, arbitror nos ipsos etiam is-  
dem rationibus reprehendimus. C R I T O. cum inui-  
di non sumus nequaquam, A C R I S I V S. quod si  
lucri cupidi inuidi sumus. Inuidia enim lucro coniun-  
ctissima, dum nanq; alicui inuidemus, lucrum optamus, quia  
arbitramur ob inuidiam pares diuitibus esse, quinimo de-  
sideramus quemq; efficere inferiorem laudabili quouis in-  
opere detrahendo, C R I T O. quam optime rem habes,  
nam inuidus non cupit esse par probo. istud enim æmu-  
lari esset, illud uero famæ atque honori uelle detrahere,  
A C R I S I V S. igitur inuidia æmulationi contra-  
ria, C R I T O. est nanque æmulari, & famæ & ho-  
nori alicuius æquari optare media uirtute A C R I S I -  
V S. inuidere ergo est alicui damnum desiderare C R I -  
T O. Quoniam inuidia res est contraria laudabili lucro  
A C R I S I V S. leduntur ne homines etiam grauius  
Inuidia quam naufragio æquoris C R I T O grauius  
arbitror



arbitror, ACRISIVS. inuidum ergo lucrum non  
est appetendum, quia damnabile CRITO. at æmu-  
latio desideranda, quia excitatio in bonum et lucrum ho-  
norificum: ACRISIVS. propterea insanos omnes  
inuidos dicemus. Tu uero si sanus, dic mihi an bonum amas  
uel odio habes illud CRITO? amo, atque etiam diligo  
ACRISIVS. quia par bonis effici studes, non au-  
tem inuidis quia mali. dic tamen obsecro an bonum est,  
quod natura appetimus CRITO. bonum dum non læ-  
dimus quempiam ACRISIVS. & si hoc idem sit offi-  
cio naturæ CRITO. malum ACRISIVS. malam  
ergo naturam etiam fatebimur. CRITO, hominis tan-  
tum. quia optima superior natura, itaq; dicendum est: li-  
uore, & inuidia nil esse deterius in terris utq; & inani glo-  
ria difficilius quæ infinita bona consuevit corrumpere, A-  
CRISIVS. igitur inuidorum hominum dementiam non  
sapient, sed nec Mercurius quidem cum musis sanaret o-  
mnibus, uis etiam inuidos dementes esse, tamen qui rebus  
inuidet alienis suorum ob defectum commodorum non  
uidentur dementes, non enim dementis est proprijs utili-  
tatibus studere, uerum sapientis. CRITO. Haud er-  
ras per pollucem. charitas enim sui ipsius cuiq; gratissima,  
res est, ACRISIVS, Charitatem igitur uis studium  
esse propriarum utilitatum CRITO propriarum ACRI-  
SIVS: Charitas ergo nostra inuidiam parit CRITO.  
haud hoc confiteor ACRISIVS. quid autem. CRI-  
TO. fateor quod charitas maximus amor est, propriorum  
affectuum charitas etiam omnia bona amat, & cuncta ma-  
la odit, ACRISIVS. Tamen non tam miserrimus neq;  
etiam ditissimus hætenus repertus est, qui aliter proprijs

B



satisfecit affectibus nisi per detractiōem, charitas ergo  
nostra parit detractiōem, detractio inuidiam, demum qui  
proprijs studet affectibus is maxime inuidus est. CRI-  
T O. Verum, inuidi ne mali uideantur, propriam prae-  
ponunt charitatem hac enim ratione pratergunt nomen  
inuidi. ACRISIVS. Si quis autem diceret inuidum il-  
lum hominem qui laudem alterius propriū honorem esse cu-  
pit, num proprio uteretur officio charitatis. an inuidi pro-  
prietate. CRITO. Vtiq; inuidi proprietate, ACRISIVS. En igitur ut desiderium cuiusq; inditium est inui-  
diae. ideo qui aliquid cupiunt inuidi sunt cupido enim in  
quo fuerit quamuis sit nomen honestius inuidia, is inuidus  
erit, desiderium ergo siue cupido malum nomen est, ut &  
inuidia: CRITO. Cum autem omnes homines cupidos  
scimus omnes pariter dicemus malos atque inuidos etiam  
ACRISIVS. qui igitur uiri boni cum nemo ex o-  
mnibus hominibus modo prope bonus. nisi qui lucro dat  
operam. CRITO. procul dubio bonus est qui honeste  
lucratur, & qui rebus illis dat operam quibus nemo ledi  
potest. ACRISIVS: hoc erit idem damnum pati. erit  
etiam hoc, studium proprie desolationis, quod est contra-  
rium optime Valetudini, itaq; infectio propria erit officium  
bonorum, pauci tandem boni, quis enim propria uolunta-  
te semet ipsum inficit, quod si facit officium eius non erit  
prudentis, uerum penitus erit insipientis, CRITO. cona-  
ris me decipere ex industria asserens quæ nemo posse pati  
uidetur, tamen te ipsum decipis, quoniam uiro bono nec  
summa paupertas, nec extrema necessitas grauis est. At ea  
penitus calamitosa sunt quæ per inuidiam quis alicui de-  
trahit, nemo igitur prudens studet inuidie, dum calamita-



tem fugit, sed fruitur illis quæ natura sponte concessit.  
 A C R I S I V S. Quemadmodum ergo res fallax in-  
 uidia, ita etiam difficile est intelligere quis sit uir bonus.  
 itaque inuidiam fateor pestem exitium luemq; omnis po-  
 puli esse. ut ergo mors est optanda, mori absque mortis  
 metu. ita desideranda uita est uiuere absque dolo inuidie,  
 propterea cognoscunt uiri, ueri honoris cupidi quemadmo-  
 dum inuidia eorum animum recte constitutum suscipiens,  
 paulatim destruit & soluere aggreditur corpus priusq; ue-  
 nerit ad finem, en igitur quam fallax oculorum, quam fal-  
 lax aurium cæterorumq; sensuum sit iudicium, ratio etiam  
 suadet quatenus hæere rebus inuidis summa nõ cogit ne-  
 cessitas, uerum in se ipsum reuocare animam atq; proprias  
 uires colligere pulchrum est. et in rebus inuidis nulli magis  
 credere quam sibi, quia non oportet alicui uirtutem inui-  
 dere. honestus igitur qui fuerit in appetendis rebus is bo-  
 nus erit, Platonice etiam referam illud. inuidia, eo, secu-  
 rius aliena substant, quo quis sua simili periculo non ex-  
 ponit. C R I T O. uetus etiam est omnium communis  
 sententia. Si quis ea quæ magna sunt, ut est inuidia re-  
 cte seruare uelit in paruis quibusdam prius illa faciliori-  
 busq; quàm in maximis considerare debet, uerum quoniam  
 grande est in omnibus omnes animo superare, grande est  
 & inuidiam amare, ideo non est mirandum si qui sapiunt  
 inuidiam colent quia inuidia hodie magnanimitatis signũ.  
 hinc est quod inuidus dicitur magnanimus. A C R I S I-  
 V S. equidem inuidi Cælum tenent, quia & timorem mor-  
 tis & corporis dolorem, & uoluptatum intermissionem inui-  
 dia nutriunt. C R I T O. Exitus proculdubio omnia quæ  
 in principio celebramus probat. & quæ sunt dubia in ori-  
 B. ij.



gine clarissima fiunt infine, dubia ergo cum sit inuidia  
ab initio bona uel mala res sit hoc modo cognoscitur in fi-  
ne: si nulli turpidini seruit bona. si uero omni uitio. mala  
res est, quare dum exitum inuidie cogitabis ab initio non  
eris inuidus. A C R I S I V S. iam concipio quod in-  
uidia aliena nobis semper uendicat, & quæ cuiusuis sint ad  
nos contrahit, & aliorum auctoritatem propria authori-  
tate sternit, ut seruet proprium decorem & secundum ip-  
sam inter uirtutes prima appareat uirtus. C R I T O.  
Ideo inuidus cogitat qualis uita futura non quanta sit, non  
enim uiuere bonum esse dicit, sed inuide uiuere. quare nil  
mirabilius uidetur in rebus humanis quam in uidere ami-  
micis, tanto etiam quisque perfectior est in hac uirtute quan-  
to, perfectius inuidet dotibus alienis, A C R I S I V S.  
nequeo iam Crito mi mei doloris summam non retere ob  
immensam inuidiam atque innumerabiles inuidos, præci-  
pue si qualibet uirtus præ inuidia nullius pretij est. tanti  
enim retulisti inuidiam esse, ut illa tantum regina cate-  
ræ uero uirtutes ancillæ sint. Sed quæ causa tanti mali,  
effere oro, C R I T O. miserrima Cupido. A C R I-  
S I V S. ideo & inuidum miserum dicamus. C R I T O. pro-  
cul dubio. A C R I S I V S. Dic tamen an inuidus liber, uel  
seruus sit. C R I T O, etiam inter liberos seruus est. A-  
C R I S I V S: propter quid inuidus semper dolet ac quæri-  
tur. C R I T O. quia alter fruitur rebus, quibus ille caret.  
A C R I S I V S. an Ciuitas serua aut libera ubi in-  
uidorum copia. C R I T O. ancilla & serua quia no-  
men sortitur Ciuitas à Ciuibus, quales enim illi talis &  
illa. A C R I S I V S. Peto an inuidus compos in in-  
uidia unquam. C R I T O. nunquam, quia talis natu-




ra est: ut semper inuideat. ACRISIVS. Igitur pessimum est uiuere cum inuidis nihilque infelicius est quam inuidi nomen possidere. CRITO. ideo studendum est præcepto Diui Hieronymi, cum inquit, hæc est in omnibus sola perfectio suæ infectionis cognitio.

Tunc ergo fœlicem hominem iudicabo cum

absq; inui-

dia pu

blice uiuere poterit.



\* ROMAE, E, TVGVRIO BLON- \*  
DI. IN QVO MAIORA  
IACENT.



\*PONTIFICATVS\*  
DIVI PAVLI,  
III. ANNO  
QVINTO.

\*PER VALERIVM D'ORICVM,\*  
BRIXIENSEM.

XX

